

 U okviru izrade projekta "Master plan za sjeverni dio općine Tuzla", koji se finansira sredstvima EU, u zoni "Kući" u kojoj živi više od 3000 stanovnika Tuzle provedena je akcija smanjenja gubitaka vode. Na samom početku akcije utvrđeno je da gubici vode u ovoj zoni iznose 22,4 l/s, i da postoji realna vjerovatnoća da stanovništvo ovog naselja ostane bez napajanja vodom.

Stručnjaci Instituta za hidrotehniku iz Sarajeva koji su angažirani od strane konzorcijuma kojeg vodi COWI, primjenjuju i najnovije tehnologije, propisane od Međunarodne Asocijacije za vode (IWA), suvremenu opremu za mjerenje i zvučnu detekciju gubitaka, te iskustvo građeno posljednjih 20 godina na velikom broju sličnih projekata u zemlji i inozemstvu, su za samo 4 mjeseca uspjeli gubitke svesti sa početnih 22,4 na samo 3,9 l/s, odnosno na nivo tzv. "neizbježnih gubitaka", granice ispod koje dalje smanjenje nije isplativo. U okviru akcije su pronađena mjesta curenja vode, te otkrivani ilegalni potrošači. Pri tome se mora istaći iskazana spremnost vodovoda Tuzla da se uhvati u koštac sa svim problemima koji ugrožavaju osnovnu funkciju vodovoda, uredno snabdijevanje legalnih potrošača vodom.

Zadovoljni rezultatima postignutim u zoni "Kući", vodovod Tuzla je uputio zahtjev da se akcija smanjenja gubitaka vode nastavi i u drugim dijelovima Tuzle, na što su investitori odgovorili potvrdno, te će u slijedećim mjesecima akcija na isti način biti provedena i u zoni Kroičica u kojoj živi oko 2000 stanovnika Tuzle.

(izvor: www.heis.com.ba)